

DE TRIPLOMI PECCATO ORIGINALI

VENIALI, ET MORTALI, CONCLUSIONES THEOLOGICAE

quæ publicè in schola Theologorum disputabuntur Idib. Augusti, hora septima, præside reverendo patre Ioanne Guillonio SS. Theologie doctore, O' professore ordinario, defensore egregio liberalium artium M. Rodolpho Clencken.

- S**icut uirtus bona & secundum naturam, ita uitium malum & contra naturam.
- 2 Et ut magis laudatur actus bonus quia nobilior quam habitus bonus, hoc est actio uirtutis, quam uirtus, sic magis damnatur opus malum, quam habitus malus.
 - 3 Quamvis plerumq; peccatum sit actus malus, continet tamen ipsum esse absq; omni actu. Scienti bonum facere et non facienti peccatum est illi, Iacob. 4.
 - 4 Peccatum est factum, dictum, concupitum contra legem Dei, uel non factum, non dictum, non concupitum iuxta legem Dei.
 - 5 Peccata specie distinguuntur ex diuersis obiectis & finibus.
 - 6 Peccatorum quædam carnis, quædam spiritus.
 - 7 Sicut uirtutum quarundam actiones feruntur in Deum ut fidei, spei, charitatis, quarundam in proximum ut iustitiae, obseruantiae, quarundam in ipsum operantem ut temperantiae, sobrietatis, ita peccatorum quædam in Deum, quædam in proximum, quædam in ipsum qui peccat.
 - 8 Peccatorum alia mortalia, alia uenialia.
 - 9 Tria sunt (inquit beatus Hieronymus) generalia delicta, quibus humanum subiacet genus, aut enim cogitatione, aut sermone, aut opere peccamus, his addenda omissio ut diuisio perfecta sit.
 - 10 Cum uirtus ferè omnis in medio posita sit, fit ut peccatorum nonnulla abundantiam contineant, nonnulla defectum.
 - 11 Virtutes quidem sunt connexæ, ut qui unam habeat omnes eum habere necesse sit, at non peccata.
 - 12 Dictum beati Iacobi Apostoli, Qui offendit in uno, factus est omnium reus, non hoc uult, ut qui homicidium fecerit, is etiam sit adulter, sed hoc, qui unum præceptum uiolat, omnium aliorum obseruatorum premium non habebit.
 - 13 Peccata non sunt paria, sed alia alijs grauiora.
 - 14 Ex obiectis & finibus grauitas estimatur delictorum.
 - 15 Carnalia leuioris culpæ at maioris infamiae, tamen eiusmodi ut propter eorum grauitatem regna, ciuitatesq; ut scripturæ ostendunt, euersæ sint.
 - 16 Ex causa quoq; grauitas peccati deprehenditur.
 - 17 Quæ enim ex scientia, malitia, absq; ui & metu fiunt enormiora sunt peccata.
 - 18 Circumstantia auget peccatum, atq; interdum mutat speciem.
 - 19 Nocimenti magnitudo enorius facit delictum.
 - 20 Sed & conditio tam peccantis, quam eius in quem peccatur momentum adfert non leue ad peccatum, Major iniquitas Christiani quam gentilis, maior offensa in regem quam rusticum.
 - 21 Quemadmodum ex his grauiora redduntur peccata, sic ex ignorantia, perturbatione, ui, & metu minuuntur.
 - 22 Et si ignorantia, perturbatione, ui in potestate hominis non fuerint, omnino purgant à peccato. Non peccauit Iacob Liam cognoscens, non peccat furore corruptus, neq; is cuius brachium ui impulsum hominem læserit.
 - 23 Sicuti uoluntas est qua recte uiuitur, ita eadem est qua peccatur, adeò ut id quod nullo modo est uoluntarium, nullo modo sit peccatum.
 - 24 Causa peccati intra hominem gemina, uoluntas, et passio siue perturbatio appetitus sensitivus.

- 25 Extra hominem, causa peccati esse potest dæmon, homo, & sensibilia.
- 26 At neq; perturbatio quæ intrâ concitat, neq; hæc que extra sunt necessitatem adferunt uoluntati, ut delinquit peccato actuali.
- 27 Neq; corpora cœlestia.
- 28 Peccatum interdum est causa peccati. Gregor. Peccatum quod per poenitentiam citius non deletur suo pondere ad aliud trahit.
- 29 Ignorantia quidem peccatum censetur, cum quis ea quæ scire debet negligenter ductus nescit, & eadem multorum causa peccatorum.
- 30 Amor sui usq; ad contemptum Dei constituens ciuitatem Babylonis, causa est omnis peccati.
- 31 Ioannes Apostolus triplicem causam peccati ostendit, dum omne peccatum quod in mundo fit, aut ex concupiscentia carnis, aut ex concupiscentia oculorum, aut ex superbia uitæ existere scribit.
- 32 Deus causa peccati neq; est neq; esse potest, excusat tamen & induxit iustè gratiam subtrahendo.
- 33 Diabolus non alia ratione hominem interioris inducere uidetur ad peccandum, quam concitando fantasiam & appetitum sensituum, quod facit mouendo humores corporis, cum à Deo & Angelis non impeditur.
- 34 Primus homo causa peccati extitit toti posteritati, dum eius peccatum in omnes homines pertransiit, Per inobedientiam unius hominis peccatores constituti sunt multi. Rom. 5.
- 35 Quisquis procreatur ex viro & foemina (una beata virgine matre Domini excepta) obnoxius originis peccato per conceptionem extat.
- 36 Hoc Theologi definit absentiæ iustitiae originis, quam inesse oportuit.
- 37 Naturæ bonum quoquis peccato debilitatur, mortali magis, ueniali minus.
- 38 Ex peccato originis quatuor uulnera homo accepit, infirmitatem, ignorantiam, concupiscentiam, malitiam.
- 39 Mors, ægritudines, aliaq; mala multa ex peccato originis profluxerunt, quo sit ut iniuria Plinius naturam alijs matrem fuisse dicat, homini uni nouercam.
- 40 Obligatio ad poenam ex peccato consequitur, æternam si mortale commissum sit, temporalem si ueniale.
- 41 Non habet ratio iustitiae ut breuis temporis actui, breuis temporis poena rependatur.
- 42 Macula ex omni peccato existit, quo deformis anima redditur.
- 43 Deletur peccatum originale baptismō duntaxat.
- 44 Mortale autem uel baptismō, si sit in nondum baptizato, uel poenitentia, si post baptismum committatur.
- 45 Veniale multis modis expiatum, aspersione aquæ benedictæ, confessione generali, recitatione orationis dominicæ, atq; alijs qui à doctoribus assignantur.
- 46 Peccatum ueniale fieri nequit mortale.
- 47 Neq; infinita uenialia unum mortale constituant.
- 48 Peccata uenialia in sacra scriptura per ligna, fœnum, stipulam designantur.
- 49 Homo in statu innocentiae non potuit peccare uenialiter antea quam peccaret mortaliter.
- 50 Angelus malus non potest peccare uenialiter.

FINIS.

DE TRIBUNAL DE ORIGINALES